

(清)孫燾撰

餘墨偶譚

大立出版社 印行

藝文社

出版

餘

江苏工业学院图书馆藏章

偶譚

穎閣題



中華民國七十一年景印初版

餘墨偶譚

(清) 孫櫟撰

定價

版權所有
請勿翻印

出版者
大立出版社

發行者

台北市長安東路二段四二號之一

電話：五三六一七六〇、五二二三一六九

登記證：局版台業字第二一四八號

郵政劃撥：第一六八二一五三號帳戶


中 華 民 國 二
年 陽 曆 五 月
上 海 國 光 印
刷 所 代 製 印

序

餘墨偶談正續敘

大儒經學不尙卮詞然子雲解嘲孟堅賓戲成式則西陽數典仲舒亦繁露名篇下逮語林笑林世說俗說東甌聞見南部煙花北夢瑣言西京雜記五鐙珠林之冊七籤真誥之編類皆湛深經術者流以其緒餘溢爲外紀末可概誚以卮詞也近得孫詩樵餘墨偶談正續二集其稽古則經典釋文之遺也述今則朝槿僉載之體也模山範水則臥遊之圖也砭俗訂頑則徇路之鐸也而吐屬風流詞華雋雅則隨園詩話藝苑名言不是過也亟登梨棗以質騷壇是爲序

光緒辛巳歲星沙王先謙逸吾氏書於京都三槐書舍



餘墨偶談卷一目錄

詩須評騭

清皆平句

作詩奧訣

香塚 嬰武冢

岳陽樓楹聯

一房山館詩

奇奇子

八卦轎

夢九詩

以詩代東

狗魚

蘭花菇

海棠詩

鶴儂詩

黎沛田詩

寄園

潤朗峯詩

準提閣題壁

駱槐生詩

集句詩

心笙詩

考增

沙邱題壁

馬頭驛題壁

豫章

贈別

小孤山題壁

榮吉甫詩

張枚三詩

詩須鍊句

赤壁詩

詩趣

正訛

麒玉符先生詩

羊羔美酒

禽言古意

桂林十子詩鈔

秋閨怨

杯餘橐草

正誤

五臺拐脚僧

妓詩

太行

夷犬織布

書傭李芬詩

題壁詩

瀛湖壽旅

戰國策


避蠱木

仲恭詩

論詩絕句

彭星丞

名人稱謂



餘墨偶談卷一

燕山孫 樓詩樵甫編

詩須評騭

詩須評騭然後始判高低如何賣得長門賦便欲求凰向茂陵王瑋慶題白頭吟詩也潘素心女史亦有相如空有長門賦卻使文君歎白頭之句意頗翻新然均不若張芬女史咏卓文君云何必白頭吟寄怨夫君自解賦長門同此詩材措詞微婉得怨而不怒之旨

清皆平句

作詩難作好詩益難好詩而得解人可爲尤難友人清皆平孝廉揆有得意我難必賞心人不知之句能道出人意

作詩奧訣

許文愨公乃普爲家君受知師曩余都門應試以詩謁公於邸舍清言娓娓諸蒙

鑒訂因請作詩與訣公曰不作和韻疊韻則詩體正不求警聯警句則詩律諧二語切中余之詩弊余曰不作和疊體已請事斯語矣若不求警句則將爲平語乎公曰警句且不可爲况平冗句耶如古詩十九首秋興八首何嘗有一警句又何嘗有一非警句熟繹二詩則思過半矣余退深守此戒後以庚申辛酉集進謁公曰延秋門外四詩深得曩昔說詩之旨因手書楹聯獎許數年來詩有退才迫維清誨爲之慨然

香塚 嬰武冢

京師城南陶然亭面山臨水爲都人游宴之所余寓宣南坊時風雨造焉亭北花仙祠屋宇三楹亦頗高敞旁有香塚一嬰武冢一爲張春陔給諫所遺聞寺僧云香塚係張公詩文諫草雜以所收桃李落英痛哭瘞此嬰武冢乃此後所厝張公以言去官故有感於斯禽其碣銘云文兮禍所伏慧兮禍所生嗚呼作賦傷正平此意甚顯而都人士傳以爲某人所狎伎死夙愛鸚鵡逾日亦殤並

瘞於此云云此附會之說未足深信而偶社諸公竟譜鸚鵡恨傳奇二十四齣以實其事可謂有情痴矣

岳陽樓楹聯

曩時維舟巴陵郭登岳陽樓遍歷諸勝見呂祖祠楹帖一聯極佳云放不開眼底乾坤何必登斯樓把酒吞得盡胸中雲夢方可對仙人吟詩眼界極廓措詞亦落落大方惜不記作者姓氏存之以備遺忘

一房山館詩

李蘭州宛平人官晉司筦酷嗜吟詠曾以一房山館詩十數卷浼家君點定集中如水凍溪流澀山寒月照荒徑許掃花入門容立雪敲偶立水中石閑看山上雲客來花欲笑僧去磬留音諸句皆意趣所至見之於詩

奇奇子

寶竹坡廷別號奇奇子宗室家奇寒著作甚富有難齋文詩詞集日下聯吟者

四十餘人君爲之最詩各體皆工余尤愛其冬獵行云北風捲地寒山鳴黃沙
白草連天平虎狼怒吼兔狐泣火光逼日烟塵腥扳崖越領重圍合弓刀燦爛
人聲急風毛雨血亂寒空馬作龍飛獸人立縱橫馳驟窮林藪凍雲莽莽迷前
後驕鷹逐兔溯風飛怒犬衝人穿火走健兒攘臂爭豪雄須臾蹴踏荒山空驚
禽駭獸自相搏血流澗壑層冰紅將軍大笑投弓起返旆旋城士卒喜日落天
寒暮山紫又古劍篇中云血痕斑剝凝紅星當筵一掠西風腥寒光撲面燈不
明滿堂恍惚蛟龍鳴旁觀失色不敢視繞身歷亂銀濤生結云噫吾生豈無不
平事幾度摩挲未敢試窮愁短盡書生氣才力直逼少陵其秋鯁云一寒教至
此空有惜花心一往情深其志遇亦可悲矣

八卦轎

粵西地瘠民貧鄉村婦女率多大足肩挑負販如男無異柳州來賓一帶時有
昇肩輿爲生者如坐客爲男二女肩輿爲坎坐客爲女前女後男肩輿爲震也

餘付此

夢九詩

張夢九里人官晉威遠少府著有時還讀我書齋吟稿其月下聞笛云碧天無際月如水誰家弄笛春風裏笛音繚繞月光寒玉人何處倚欄干曲終人悵碧雲合闌外誰憐紅袖單傾耳無端百感集愁向天邊憶消息涼夜迢迢更鼓深瑤階露重衣裳溼其送李小泉表兄之趙州幕云塵中騏驥飛天外鵬鵬矯丈夫志四方所貴在行道壯哉君此行使我縈懷抱君昔赴滇南嬉戲風塵區先人旣蒙難報國成捐軀國家有曠典存卹及遺孤萬里招魂歸山水多艱虞請纓志未遂彈鋏今何爲北山啼夜猿南山啼子規猿啼一何惻鳥啼一何悲驪駒歌在門贈子無多詞上有白髮親下有黃口兒與君各努力勿放羲輪馳韶光去不留迅如風轉舵人生劇苦辛世途多輾轉放言天下事落落誰如我事實踐之究竟無一可不履蜀道險不知行路難不味離別苦不知相聚歡行